

## أقوي الملاحظات علي العضوية كاملة

- خلي بالك من أكسيد النحاس ( $\text{CuO}$ ) اللي بنستخدمه في الكشف عن المركبات العضوية وبين أكسيد الكالسيوم (الجير الحي) ( $\text{CaO}$ ) اللي بنستخدمه في التقطير الجاف .

- أكسيد النحاس ( $\text{CuO}$ ) لونه اسود .

- في تجربة الكشف عن الكربون والهيدروجين في المركبات العضوية يحدث أكسدة للكربون والهيدروجين .

- توجد علاقة طردية بين الكتلة الجزيئية ودرجة الغليان يعني كل م عدد ذرات الكربون يزيد (الكتلة الجزيئية) بتزيد درجة الغليان.

- الألكانات خاملة كيميائيا عشان جميع روابطها من النوع سيجما القوية صعبة الكسر .

- خلي بالك من الفرقين دول :

- عدد المركبات الغازية في الألكانات هما ٥ (ميثان، إيثان ، بروبان، بيوتان ، ميثيل بروبان ) خلي بالك المركب الاخير دا ايزومر للبيوتان .
- يوجد ٤ أفراد للألكانات في الصورة الغازية (ميثان، إيثان ، بروبان، بيوتان) .

- خلي بالك ان السلسلة المتجانسة مركباتها بيجمعها قانون جزيئي عام وبتشترك في الخواص الكيميائية لكنها بتتدرج في الخواص الفيزيائية زي درجة الغليان .

- الألكانات توجد بكميات كبيرة في النفط الخام عشان جه سؤال ع الجزئية دي قبل كده ف كتاب معين وانا مش فاكره .

- التقطير التجزيئي : هو فصل خليط من المواد الي أجزاء مختلفة تبعاً لدرجة غليانها وفرق بينه وبين التقطير الجاف .

- كلمة الألكان المقابل معناها الألكان المحتوي علي نفس العدد من ذرات الكربون والكلمة دي هتلاقيها ف شق الألكيل لما تيجي تذاكره .

- التفرع يقلل من درجة الغليان عند تساوي الكتل المولية يعني لو عندك بيوتان وميثيل بروبان ف اكيد ليهم نفس الكتلة المولية ف الحالة دي درجة غليان البيوتان هتكون أعلي لان عدد تفرعاته أقل من الميثيل بروبان والمعلومة دي مش مذكورة عندنا ف الكتاب بس لقيت اسئلة عليها ف كتاب مندليف .

- أبسط المركبات العضوية علي الاطلاق هو الميثان .

- يجمع الميثان بإزاحة الماء لأسفل مش الهواء عشان الميثان مركب عضوي مش بيذوب في الماء لكنه بيتفاعل مع أكسجين الهواء وبيحترق فيه ونفس الفكرة لو قالك لي الميثان مش بيجمع بإزاحة رابع كلوريد الكربون ( $CCl_4$ ) لأسفل هتقوله لان الميثان مركب عضوي هيزوب في رابع كلوريد الكربون ( $CCl_4$ ) .

- تفاعلات الاحتراق طاردة للحرارة .

- تتناسب قابلية الاشتعال عكسيا مع عدد ذرات الكربون في المركب يعني كل م المركب يكون فيه ذرات كربون اكثر كل م

قابليته للإشتعال بتكون أقل ودي معلومة مش مذكورة نصاً  
بس ممكن تستنتجها من أمثلة معينة ف المنهج وجه عليها  
اسئلة ف مندليف .

- نواتج تفاعل الايثان مع الكلور المحتملة هي ٩ نواتج مع ان  
خطوات التفاعل ٦ خطوات بس وافهم المثال ده عشان لو  
جالك حاجة شبهه تعرف تطبق عليها

تدريب ١٢  
اكتب الصيغ البنائية لنواتج تفاعل الإيثان مع الكلور وسمها بنظام الإيويك.

**الإجابة**

$\begin{array}{c} \text{Cl} \quad \text{Cl} \\   \quad   \\ \text{H}-\text{C}-\text{C}-\text{H} \\   \quad   \\ \text{H} \quad \text{H} \end{array}$ <p>٢،١- ثنائي كلوروايثان</p>	$\begin{array}{c} \text{H} \quad \text{Cl} \\   \quad   \\ \text{H}-\text{C}-\text{C}-\text{H} \\   \quad   \\ \text{H} \quad \text{Cl} \end{array}$ <p>١،١- ثنائي كلوروايثان</p>	$\begin{array}{c} \text{H} \quad \text{H} \\   \quad   \\ \text{H}-\text{C}-\text{C}-\text{Cl} \\   \quad   \\ \text{H} \quad \text{H} \end{array}$ <p>١- كلوروايثان</p>
$\begin{array}{c} \text{Cl} \quad \text{Cl} \\   \quad   \\ \text{Cl}-\text{C}-\text{C}-\text{Cl} \\   \quad   \\ \text{H} \quad \text{H} \end{array}$ <p>٢،٢،١،١- رباعي كلوروايثان</p>	$\begin{array}{c} \text{Cl} \quad \text{Cl} \\   \quad   \\ \text{H}-\text{C}-\text{C}-\text{Cl} \\   \quad   \\ \text{H} \quad \text{H} \end{array}$ <p>٢،١،١- ثلاثي كلوروايثان</p>	$\begin{array}{c} \text{H} \quad \text{Cl} \\   \quad   \\ \text{H}-\text{C}-\text{C}-\text{Cl} \\   \quad   \\ \text{H} \quad \text{Cl} \end{array}$ <p>١،١،١- ثلاثي كلوروايثان</p>
$\begin{array}{c} \text{Cl} \quad \text{Cl} \\   \quad   \\ \text{Cl}-\text{C}-\text{C}-\text{Cl} \\   \quad   \\ \text{Cl} \quad \text{Cl} \end{array}$ <p>٢،٢،٢،١،١،١- سداسي كلوروايثان</p>	$\begin{array}{c} \text{Cl} \quad \text{Cl} \\   \quad   \\ \text{H}-\text{C}-\text{C}-\text{Cl} \\   \quad   \\ \text{Cl} \quad \text{Cl} \end{array}$ <p>٢،٢،١،١،١- خماسي كلوروايثان</p>	$\begin{array}{c} \text{Cl} \quad \text{Cl} \\   \quad   \\ \text{H}-\text{C}-\text{C}-\text{Cl} \\   \quad   \\ \text{H} \quad \text{Cl} \end{array}$ <p>٢،١،١،١- رباعي كلوروايثان</p>

لاحظ أن ... !! عدد خطوات التفاعل السابق (ست خطوات) ولكن عدد النواتج المحتملة (تسع نواتج).

- فرق بين أثر الحرارة علي الميثان :

- في الهواء يمحترق ويبنتج ثاني أكيد الكربون وبخار الماء .
- بمعزل عن الهواء بنحصل علي كربون وغاز الهيدروجين .

- القانون الجزيئي ( $C_nH_{2n}$ ) ينطبق علي الألكينات الي فيها رابطة مزدوجة وaaaaaaaaaaaaاحدة بس لانه ممكن يرسمك مركب فيه رابطتين مزدوجتين ويقلك اختار القانون الجزيئي وف الحالة دي هتضطر تحسب عدد ذرات الكربون والهيدروجين وتجرب الاختيارات كلها لغاية م توصل للقانون الي هينطبق ع المركب.

- خلي بالك معايا كده ف تفاعل تحضير الايثين : التفاعل كله ف العموم هو تفاعل نزع ماء لكن التفاعل بيتم علي خطوتين :-

- الخطوة الاولى بيتفاعل الايثانول مع حمض الكبريتيك عند ٨٠ درجة وهنا لو سأل عن نوع التفاعل ف الخطوة دي تحديداهنقول استبدال لاننا استبدلنا مجموعة الهيدروكسيل بتاعت الكحول بمجموعة ( $-OSO_3H$ ) من الحمض .

- الخطوة الثانية بتكون عند ١٨٠ درجة وبيحصل فيها تحلل حراري لكبريتات الايثيل الهيدروجينية يبقي لو سأل عن نوع التفاعل هنا هيكون تحلل حراري او انحلال حراري .

- الايثير والبنزين ورابع كلوريد الكربون والكحولات زي الكحول الإيثيلي والأسيتون دي كلها مذيبات عضوية مذكورة ف المنهج .

- خلي بالك برضو كل رابطة باي  $\pi$  بتحتاج مول هيدروجين ( $H_2$ ) عشان تتكسر الي هو نفسه ٢ مول ذرة وركز ف دي وشوف السؤال بيسأل عن مول عادي من الجزيء ولا بيسأل عن

مول ذرة عشان بيلعب بيها ف الاختيارات (مول هيدروجين = ٢  
مول ذرة هيدروجين) .

- تفاعل الهلجنة يستخدم للكشف عن عدم التشبع في  
الألكينات.

- تفاعل باير يستخدم في الكشف عن الرابطة المزدوجة .

- تستخدم فوق الأكاسيد كموا د بادئة للتفاعل عند بلمرة  
الألكينات .

- الهيدرة الحفزية للألكين تعطي الكحول المقابل بينما الهيدرة  
الحفزية للألكينات تعطي كيتونات عدا الايثانين يعطي ألدهيد .

- خلي بالك :

• التحلل الحراري لكبريتات الإيثيل الهيدروجينية ينتج  
ايثنين .

• التحلل المائي لكبريتات الإيثيل الهيدروجينية ينتج  
ايثانول .

- الإيثيلين جليكول يستطيع تكوين ٤ روابط هيدروجينية مع  
الماء

- القانون الجزيئي ( $C_nH_{2n-2}$ ) ينطبق ع الالكينات التي تحتوي  
علي رابطة ثلاثية وواحدة فقط .

- مجموعة الميثين هي نفسها مجموعة الميثيلين ( $CH_2$ ) ودي  
غير مجموعة الميثيل ( $CH_3$ ) .

- في نقطة في احتراق الايثانين مختلفة عن احتراق الألكان  
والألكين حسب المنهج وهي ان احتراق الايثانين لو كان ف الهواء


الجوي هيكون مصحوب بلهب مدخن وخلي بالك م المعادلة  
لكن لو احترق ف اكسجين نقي هيحترق تماما وهينتج ثاني  
أكسيد الكربون وبخار الماء بالإضافة الي لهب الأكسي أستيلين  
(٣٠٠٠ درجة مئوية) وخلي بالك برضو البنزين العطري بيشتعل في  
الهواء الجوي مصحوبا بدخان أسود .

- الهيدروكربونات الحلقية ليها نفس القانون الجزيئي للألكينات  
( $C_nH_{2n}$ ) بس أقل عدد من ذرات الكربون في المركبات الحلقية  
المشبعة لازم يكون ٣ ذرات كربون يعني متجيش تقولي ان  
المركب  $C_2H_4$  ينفع يكون مركب حلقي مشبع !! .


- طول الروابط بين ذرات الكربون في البنزين بتكون وسط بين  
طول الرابطة الاحادية والرابطة المزدوجة وركز ف المعلومة  
دي عشان بيحيب عليها اسئلة تطبيقية واستنتاجية .  
خلي بالك :

- الفينيل هو جزئ الايثين بس منزوع منه ذرة هيدروجين  
( $R-CH=CH_2$ ) .
- الفينيل هو جزئ البنزين منزوع منه ذرة هيدروجين  
( $C_6H_5$ ) .

فينيل



فاينيل



- تفاعلات الاضافة في البنزين صعبة ولا تحدث إلا تحت ظروف خاصة لعدم تمركز الإلكترونات الستة عند ذرات كربون معينة .

- البنزين العطري لا يزيل لون البروم الأحمر لصعوبة كسر الرابطة باي لعدم تمركز الإلكترونات الستة عند ذرات كربون معينة .

- حمض بنزين السلفونيك مش هو المنظف الصناعي لكن صناعة المنظفات الصناعية بتقوم اساسا علي مركبات حمض السلفونيك الأروماتية .

- المنظف الصناعي هو الملح الصوديومي لألكيل حمض بنزين السلفونيك .

- عشان تحصل علي منظف صناعي من البنزين العطري :  
الألكلة ← السلفنة ← التعادل .

- خلي بالك برضو ان المنظف الصناعي بيقلل التوتر السطحي للماء ودا ييزود قدرة الماء علي تندية (بلل) الانسجة الموضوعة فيه .

- أقدم المركبات العضوية التي حضرت صناعياً هي الإيثانول .

- الإيثين هو الألكين الوحيد الذي يعطي كحول أولي (الإيثانول) بالهيدرة الحفزية اما باقي الألكينات تعطي كحولات ثانوية أو ثالثة.



- خلي بالك ان اللي بيسبب الجنون والعمي هو الميثانول عشان ممكن يربطلك الجملة دي ب اكثر من سؤال .

- ايثوكسيد الصوديوم هو مادة بيضاء صلبة .

- يتوقف ناتج تفاعل الكحولات مع حمض الكبريتيك المركز علي :

- عدد جزيئات الكحول .
- درجة الحرارة .

- بوليمر الايثيلين جليكول (PEG) بيستخدم في تحضير أفلام التصوير وأشرطة التسجيل وهتلاقيه في استخدامات الكحولات ثنائية الهيدروكسيل ولو مقريتش الاستخدامات روح اقراها عشان عيب عليك .

- خلي بالك برضو ان النيتروجلسرين بيستخدم في علاج الأزمات القلبية لانه يقوم بتوسيع الشرايين .

- الجلوكوز هو ألدهيد عديد الالهيدروكسيل لكن الفركتوز هو كيتو وون عديد الهيدروكسيل وهما الاتنين ايزومرات لبعض .

- الكربوهيدرات هي مواد الدهيدية أو كيتونية عديدة الهيدروكسيل يعني الجلوكوز والفركتوز دول من الكربوهيدرات

- خلي بالك ان حمض الكربوليك هو نفسه الفينول وحمض البكريك هو ثلاثي نيتروفينول .



- حمض البكريك مادة متفجرة وف نفس الوقت يستخدم كمادة مطهرة لعلاج الحروق يعني بيقتل القتل ويمشي ف جنازته .

- الاحماض الدهنية هي أحماض اليقاتية مشبعة أحادية الهيدروكسيل .

- في جزئ استر ثلاثي الجلسريد بيكون زيت لو لقيت ( $R_1, R_2, R_3$ ) غير مشبعة وبيكون دهن أو مسلي صناعي لو كانت هذه المجموعات مشبعة وخلي بالك م الحته دي لانه ممكن يبني عليها اسئلة تطبيقية جامدة .

- خلي بالك من دول :-

- المنظف الصناعي : هو الملح الصوديومي لألكيل حمض بنزين السلفونيك.

- الصابون هو الملح الصوديومي لأحماض كربوكسيلية عالية وخذ بالك من كلمة عالية دي .

- خلي بالك ان البولي استرات لازم معاها جزئ ثنائي الحامضية (الكربوكسيل) والجزئ الثاني كحول ثنائي الهيدروكسيل .

- الايثيلين جليكول دخل ف بوليمرين عندنا ف المنهج :

- بوليمر بولي ايثيلين جليكول اللي قتللك عليه فوق .
- بوليمر الباكليت ودا ناتج من تفاعل الايثيلين جليكول مع حمض التيرفيثاليك.

## - الشرايين في المنهج :-

- نسيج الداكرون يصنع منه انايين لاستبدال الانابيب التالفة وصمامات القلب الصناعية لانه حامل كيميائياً .
- النيتروجليسرين يقوم بتوسيع الشرايين.



- عدد مركبات الألكينات الغازية يساوي ٥ (ايتين، برويين، ١ بيوتين، ٢ بيوتين، ٢ ميثيل ١ برويين)

- البولي ايثيلين كتلته الجزيئية بتساوي ٣٠٠٠٠ عند ضغط ١٠٠٠ atm ودا معناه انه بيتكون من حوالي ١٠٧١ مونيمر مرتبطين مع بعض .

- عند تسخين الالكينات مع :


- برمنجنات البوتاسيوم في وسط قلوي ينتج مركبات ثنائية الهيدروكسيل (جلايكولات) .
- برمنجنات البوتاسيوم في وسط حمضي تتكون كيتونات او أحماض كربوكسيلية .

- خلي بالك معايا ف النقطة اللي جاية دي : احنا بنكشف عن الفينول بطريقتين حسب المنهج هما كلوريد الحديد الثلاثي وماء البروم بس خلي بالك ان كلوريد الحديد الثلاثي بيتفاعل مع مجموعة الهيدروكسيل نفسها اللي موجودة ف الفينول لكن ماء البروم بيتفاعل مع الفينول نفسه وعارفك مش مستوعب لسه عشان كده هوريك التفاعلات :



طب انا لي بقا شاغل دماغك بكل الشغل ده ؟  
 عشان ببساطة بيجي عليه اسئلة زي السؤال ده كده :

يمكن الكشف عن 1،3،5- ثلاثي هيدروكسي بنزين بواسطة .....




☐ ١ كلوريد الحديد III  
☐ ٢ ماء البروم.  
☐ ٣ ثاني كرومات البوتاسيوم المحمضة بحمض الكبريتيك.  
☐ ٤ بيكرونات الصوديوم.

انا قتللك ان كلوريد الحديد الثلاثي بيتفاعل مع مجموعة الهيدروكسيل نفسها اللي ف الفينول زي م شوفت فوق فبالتالي هينفع هنا يكون كاشف لان عندي بدل المجموعة ثلاثة لكن لو اخدت بالك ان مجموعات الهيدروكسيل أخذت مكان ذرات البروم ف المركب اللي ف السؤال + انا قتللك ان البروم بيتفاعل مع الفينول نفسه عشان كده مش هينفع نستخدم ماء البروم هنا ككاشف عن المركب اللي ف السؤال .

## ملاحظات هامة على المركبات العضوية


لمتشابهات الجزيئية حسب الصيغة العامة للمركبات العضوية

الأقسام	الألكينات	الألكانات الحلقية
الصيغة العامة (الجزيئية)	$C_nH_{2n}$	
مثل للصيغة الجزيئية	$C_3H_6$	
الصيغ البنائية المحتملة	$CH_3-CH=CH_2$	
الإسم الكيميائي	بروبين	بروبان حلقى

الأقسام	الكحولات أحادية الهيدروكسيل	الإثيرات
الصيغة العامة (الجزيئية)	$C_nH_{2n+2}O$	
مثل للصيغة الجزيئية	$C_2H_6O$	
الصيغ البنائية المحتملة	$CH_3-CH_2-OH$	$CH_3-O-CH_3$
الإسم الكيميائي	كحول إيثيلي (إيثانول)	إثير ثنائي الميثيل

الأقسام	الألدهيدات	الكيتونات
الصيغة العامة (الجزيئية)	$C_nH_{2n}O$	
مثل للصيغة الجزيئية	$C_3H_6O$	
الصيغ البنائية المحتملة	$CH_3-CH_2-\overset{O}{\parallel}C-H$	$CH_3-\overset{O}{\parallel}C-CH_3$
الإسم الكيميائي	بروبانال	الأسيتون (بروبانون)

الأقسام	الأحماض أحادية الكربوكسيل	الإسترات
الصيغة العامة (الجزيئية)	$C_nH_{2n}O_2$	
مثل للصيغة الجزيئية	$C_2H_4O_2$	
الصيغ البنائية المحتملة	$CH_3-\overset{O}{\parallel}C-O-H$	$H-\overset{O}{\parallel}C-O-CH_3$
الإسم الكيميائي	حمض الإيثانويك (الخليك)	إستر ميثانوات الميثيل إستر فورمات الميثيل



أهم الاسئلة هتنزل علي قناة التليجرام ف الايام الي قبل  
الامتحان باذن الله ف متناساش تتابع القناة

لينك القناة : [https://t.me/thanwyh\\_3amh2021](https://t.me/thanwyh_3amh2021)

لو استفدت حاجة متناساش من الدعاء